

QVÆSTIO MEDICA.

QVODLIBETARIIS AGITANDA DISPUTATIONIBVS IN SCHOLIS

MEDICORVM DIE IOVIS X. IANVARII, MAGISTRO DIONYSIO GVERIN

DOCTORE MEDICO MODERATORE PRVDENTISSIMO.

Est ne maior à paruo corde viuacitas?

RECLARA microcosmi syntaxis, ex mutuo similiarum dissimiliarumque partium coniugio concinnata, facultatis triplicis regimine moderanda, triplicem quoque partium obtinuit principatum, diuersa vt conformatione sic temperie, longiorem breuioremue vitam efficientibus, præditum. Cerebrum, facultatum *inuentum*, locis discissarum, sedes, temperamento frigidum. Hepar, *dispositio*, venarum (scaturigo, naturalis spiritus auctor, cui ventriculus (à cuius corpore omnium confusio) sanguinis, cæterorumque humorum, ab eodem iecoris calore productoru, materiam per mesaraicas subministrando, vesicula bilem, renes serosam illuuiem, splen, in quo risus officina malè ponitur, fæcem expurgando, tanquam principi naturalem corporis tempore publicâ moderanti, inseruiunt, calidum procreatur; eo tamen longè calidiorem cor, licet vltimum moriens non tamen primum viuens, adipiscitur temperiem, vitæ actionibus, quarum origo est & domicilium, accommodatissimam: quò namque calidius est, & vernaculi in eo calor & spiritus explendescunt, eò vita securior, maiorque viuacitas expectanda.

ITALIS illa virtus, necessitate cæteras vincens, origine naturali, animali dignitate posterior, vt calori natiuo, efficaci & diuino, (cuius vigore & præsentia fleret, langore & absentia contabescit animal) perenni *supposito* affluxu præstò sit, perpetuamque præstet operam, respiratricem, foetui inutilem, & pulsatilem, à vitali distinctam, sibi adoptauit, vt ipsarum comitata famulicio, vitam, in calore & humore, irreparabilibus, vnde *maior*, fundatam, melancholicis quàm pituitosis breuiorem, ad longissimum quem assequi potest perducatur terminum.

T in cæteris sic in cordis structura, solertiissima illa natura, cuius amassus homo & delicia meritis perhibetur, manus se ostentat, carnem durâ ac densam, triplici villorum genere intextam, ad robur ipsi concessit; adipem, & in inuolucro humorem aquæ persimilem (cuius minor in viuus quàm mortuis copia) contentum largita est, venas ad nutrimentum, arterias ad vitam, dextrum sinum ad spirituum *dispositio* præparationem, pulmonisque alimoniam comparatum, sinistram, qui vt calore sic præstantia antecellit, eorumdem perfectioni dicatum, vtrumque septo medio, nullo foramine peruiro, disparatum, vtriusque lateri appensam auriculâ, vasa quatuor aëri sanguinique adducendis, educendisque spiritibus fuliginibusque destinata, & valvulas vnde cum, foris intro, intus foras spectantes: Quodque ad ipsius completum maximè facit, quâtitatem inter principes minimâ dedit, vt calor & spiritus, quorum promus condus est, exiguo contenti domicilio, in quo semper vegetiores quàm in prægrandi existunt, validiores sint & ad obcunda munia paratiores.

QUO vt & cæteræ carnosarum albo adscriptæ particule, materiam suæ generationis propriam, menstruum solâ quantitate noxium agnoscit, pro cuius conditione diuersa, diuersam *dispositio* operâ, in vtero, copiosi feminis heluone, (qui in hysteris ad hepar vsque loco non mouetur) molem consequitur. Materie laxitas & mollicies immensam, densitas ac soliditas paruâ comitem habet quantitatem; mollia calori in maiorem molem extendenti cedunt facilius, dura caloris extensionem compefcunt; calor in molliori, laxiori & capaciori subiecto facilius, in compactiori breuiorque difficilius expirat & euanesceit.

PRIMA igitur cordi paruitas ac soliditas, ad faciliorem diafoles & systoles motum, ad *expletio* caloris, ad robur, ad vitam. Vbi moles præcipuarum partium est exigua, vis maior emicat. Spiritus *dispositio* in minori conceptaculo leui de causa torpent extinguunturque, neque animi parhemata tantillum sustinere possunt. Gaudium, risus, labor, cura, cordi maiusculo pestes sunt internecina; adde quòd, innumeri affectus, palpitatio, syncope, cui vinum inter cardiaca cætera remedio est, ingenij & corporis *dispositio*, sudores crebri, laxæ carnes, voces exiles & languidæ, spiradi difficultates, tabes, quid plura? Subita & improvisa mortes sæpius comitantur; adeo vt iure dubitare sit an imminutas vel deprauiatas actiones potius tribuere deceat partium temperaturæ, quàm conformationi, cum frequentius ab intemperatis meliores edantur functiones, nunquam aut rarò à malè conformatis.

Ergo maior à paruo corde viuacitas.

Asserebat Lutetiæ Franciscus Guenault Parisinus, anno Domini 1613.

DOMINI DOCTORES DISPUTAVRI.

M. Georgius Cornuty.
M. Guillelmus Duval profef. Reg.
M. Ioannes Alkida.

M. Iacobus Letus.
M. Ioannes Rioltan profef. Reg.
M. Andreas le Gros.

M. Michel Tontain.
M. Guillelmus Lescailion.
M. Petrus Collier.